



Aqqalu C. Jerimiassen
Atassut

UKA 2021/45
21. oktober 2021

Meeqqat inuusuttuaqqallu angerlarsimaffiup avataanut inissinneqartartut ikilisinniarlugit ilaqtariinnut iluaqtaasumik siusissukkut iliuuseqartarnissamik Naalakkersuisut pilersaarusioqqullugit peqquneqarnissannik Inatsisartut aalajangiiffigisassaattut siunnersuut. Pilersaarusiaq juli 2022 naatinngagu tamanut saqqummiunneqassaaq.

(Inatsisartunut ilaasortaq Jess Svane, Siumut)

Meeraq anaanamut ataamatullu qanoluunniit attaveqartuaannarpoq, qanoluunniit avissaartitaasimatigingaluaraangami.

Uanilu maanna siunnersuuteqartup erseqqissaqqippaa aallarniinermini, meeqqammi angajoqqaani qanoluunniit tujorminartigisumik misigisaqarfisarsimangaluarunigit, meeqqap asanninnersa angajoqqaaminut piiginnarneqarsinnaanngisaannarmat.

Soorlumi Atassummi oqartuartartugut: Ilaqtariinneq sukarsuuvoq inuiaqatigiittut ingerlanitsinni tamani pingarnerpaaq. Pingarnerpaajuassaarlumi qaqporsuarmut.

Ilaatigut ilaqtariit ingerlanerannut ajorluinnartumik inisisimasoqartillugu, ajoraluartumik angajoqqaajusut meeqqaminnik arsaagaasariaqarterat avaqqukkuminaattartoq naluneqanngilaq. Taannali tamani periarfissani kingullerpaatut inisisimasartussaasortaaq inatsisiliortutut eqqanaarniangassarpaarput.

Taamaattorli! Ajoraluartumik inoqarpoq ikiorneqarnissaminnik nassuerutiginnissinnaanngilluinnartunik, oqartoqartarneratuullu; inuk ikioqunngitsoq pinngitsaalillugu ikorsinnaanngilarput. Pinngitsaaliissummimmi ikiuiniartarnerungaluaq iluaquitaqarsinnaanera iluatsippallaartarsimanngitsoq naluneqanngimmattaq. Inuk nammineq nassuersinnaasarsiaqarpoq, nersungassaasaqaallu angajoqqaat nassueruteqarsinnaasartut ajornartorsiolutik, meerartik paarisinnaanissaanut nukissaqaratik nassueruteqarsinnaasut.

Annernartassangaluaqisoq unneqqarillutik ikiorneqarnissartik, meeqqamillu siunissaat qaamanerutikkusullugu oqariartuuteqarsinnaasut, tassaapput taakkua manngertitaannartartunut ikiorneqarumannginnermik oqaluttunut maligassaasinnaasut.

Mianersussaagulli ajornartorsiutit sunniutaannaanik aaqqiiniassalluta. Imatummi nipeqalersinnaammat, angerlarsimaffiup avataanut meeqqat inissinneqartartut ikilisinneqarpata, ilaqtariit ingerlalluartut amerlissasut. Immaqaluunniit nakorsiartut ikilisinneqarpata peqqinnej qaffassasoq.

Oqariartuut erseqqippoq assortungassaananilu, siunnersuullu taamak ittoq isiginngitsuusaaginnarneqarsinnaanngilaq.



Atassummiillu taamak oqaaseqarluta Naalakkersuisut allannguutissatut
siunnersuutaat ilalerlugu Isumaginninnermut Peqqissutsimullu
Ataatsimiitsitaliamut innersuupparput.